

---

## ФАРГОНАДА КУРАШ БҮЙИЧА “ВИЛОЯТ ҲОКИМИ КУБОГИ-2022” МУСОБАҚАСИ БҮЛИБ ЎТДИ

Бугун Фарғона шаҳридаги “Само” спорт мажмуасида мустақиллигимизнинг 31 йиллик байрами ҳамда 6 сентябрь – Кураш куни муносабати билан кураш бўйича “Вилоят ҳокими кубоги-2022” мусобақаси ташкил этилди. Очилиш тадбирида вилоят ҳокимининг ўринбосари Файзулло Қосимов ҳамда вилоят спортни ривожлантириш бош бошқармаси бошлиғи Нодирбек Ҳакимов иштирок этдилар.

Мусобақани ўтказишдан мақсад ўғил-қизларни жисмоний тарбия ва оммавий спортга жалб қилиш, миллий спортивизнинг кураш турига бўлган қизиқишиларини янада оширишга қаратилганлиги таъкидланди. Ушбу жараёнлардаги фаоллиги учун вилоят ҳокимлиги ҳамда ташкилотчиларга Ўзбекистон Кураш федерациясининг ташаккурномалари тақдим этилди.

Спортчиларнинг кўргазмали чиқишилари, ёш санъаткорлар иштирокидаги концерт дастури эса йиғилганларга кўтаринкилик бағишилади.

Шундан сўнг мусобақанинг шаҳар-туман босқичларида ғолиб бўлган 130 нафардан зиёд ёш курашчилар муросасиз баҳсларга киришдилар. Ўсмирлар 8 вазн тоифасида, қизлар 3 вазн тоифасида ғалаба учун гиламга чиқдилар.

Ғолибларга диплом, медаль ва совғалар топширилди. Мусобақа вилоят терма жамоаси аъзолигига янги номзодларни аниқлаб берди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-09-06 20:04:50